



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Philaretus C. 1. Decembris.

urn:nbn:de:hbz:466:1-44055

Noveris licet omnia mysteria, noveris alta terræ, alta cœli, profunda maris; si te nescieris, eris similis edificanti sine fundamento, ruinam non structuram faciens. quidquid extruxeris extra te, erit instar congesti pulveris ventis obnoxium. Non ergo sapiens, quæ sibi non est. S.Bern.l.2.de Consid.

S. PHILARETUS C. 1. Decembris.

PAphlagonia PHILARETVM genuit rusticæ sortis hominem, sed qui fementem egregiè facere novit. Cum enim optimos agros non male existimaret pauperes esse, in hos liberali manu disseminare sua non priùs abstinuit, quam ipse denique egeret. Non tamen fidem sefellere optimi coloni tam bene culta arva. Etenim cum Irene Imp. filio Constantino sponsam diu circumspiceret, Maria demum, formæ id temporis unicum miraculum, eademque PHILARETI neptis, placuit. Igitur Maria ad regium thalamum, PHILARETVS ad summos honores, Consulatum evocatur. Hic verò noster ab aratro Consul in id possimum incubuit, ut pauperum necessitati consideret. Nimirum vidisses proletarios, & uno capite priùs censos censum jam Consulis numerare. Jam pontem Consulis Curiam dixisses, pontisque incolas conscriptos P. qui utique frequentes coibant in eum senatum, in quo de ipsorum salute consultabatur. Porrò PHILARETVS supremum ægrotans, cum agnati sanguinis omnes convocasset, multa præclara moriens oracula dedit, ultimò eos omnes suæ in miseros pietatis heredes scripsit, & testamentum pulcherrimo dicto (estote misericordes) obsignavit. Ex Menais.

Transferamus, obsecro, qua in hâc alienâ regione
B b 6 habemus;

habemus: etenim licet multum inter se distent, facilis tamen est transvectio per manus pauperum: eorum enim manus in caelestia promptuaria sibi data reponunt.

S. Chrys. in cap. 32. Gen.

S. FRANCISCUS XAV. SOC. JESU.
2. Decembris.

FRANCISCVM XAVERIVM damus, virum, cuius animo alter etiam orbis angustus fuit. Dum vixit, virgo vixit. Testimonium animo integerimo corpus dixit, longè post mortem etiam in vivâ calce integrum. Sui semper egregius victor non semel è morbidi ulcere ipsum pus haesit. Sed tam sitibundū Deus deinde tot deliciis per omnem vitam perfudit, ut ebrius sàpè exclamare, diducto à pectore vestimento, coactus sit: *Satis est, Domine, satis est.* Apostoli per novum orbem non tam nomen, quàm vitam tulit, ad id muneris ab ipso Numine dilectus. Siquidem multò antè in somnis terri coloris hominem, & qualem Indum effingimus, portare humeris sibi per quietem vi-sus est. Et quid aliud vigilans posteà egit, cùm ejusmodi hominum decies centena millia ad Ecclesiæ gremium suis humeris tulit, & tot non tam vultus, quàm animos fuscos sacrâ undâ solus lavit, & cæli candidatos esse jussit. Vaticinia insuper edidit innumera, precibus mare exarmavit, exercitus vicit, idem eodem tempore geminis in locis & longissimè dissipatis, periclitantibus adfuit, demortuos in vitam revocavit quinque super viginti. Omnibus omnia factus, in conviviis etiam atque iudicis animorum lucrum quæsivit, inventusque. Ad extremum dum amplissimum Sinarum regnum laborat ingredi, in ipso ejus portu

ad